




Joh. Finneus.  
De speculo regali.

Havn. 1766.







819.309

Han

DISSERTATIONEM  
HISTORICO - LITTERARIAM  
DE  
SPECULO REGALI

PUBLICÆ CENSURÆ SUBMITTIT  
JOHANNES FINNÆUS  
PARTES DEFENDENTIS OBIBIT  
OPTIMÆ SPEI ET INDOLIS ADOLESCENS  
HILARIUS SALHOLT

IN AUDITORIO



DIE 17 MAJI MDCLXVI.

*Lor: 10.*

Typis L. N. SVARII.

IMPRIMATUR

C. HORREBOW.

Excellentissimo & Illustissimo Heroi  
DOMINO  
OTTONI TOTT,  
Equiti Ordinis Elephantini,

S. R. M. in Consilio Sanctiori Consiliario intimo,  
Supremo Cancellariæ Danicæ Secretario,  
Generali Ecclesiarum per utrumque  
Regnum Inspectori,

Collegii de cursu Evangelii promovendo & Societatis  
Regiæ scientiarum Præsidi,  
Universitatis Regiæ Havniensis Patrono,  
Meoque  
Mæcenati indulgentissimo.

TIBI Universitatis Patrono, meoque  
Mæcenati indulgentissimo, reddenda  
erat ratio meorum studiorum, quibus  
favoris TUI aura benignissime  
aspi-

aspiravit. Permitte igitur gratiosus,  
ut EXCELLENTISSIMO TUO NO-  
MINE insigniatur qualiscunque histo-  
ria libri qvi T U I S auspiciis pro-  
mulgandus erat. Hoc potissimum in  
votis habet

EXCELLENTISSIMI TUI NOMINIS

subjectissimus servus,  
*JOHANNES FINNÆUS*



§. I.

**S**i qvi unquam fetus ingenii humani æternitatem mereantur, erunt certe illi, qvi antiquitate venerandi, materia utiles, scopo sublimes, executione perfectionem attigerunt. Horum autem cognitio, tanto pluris nostrum intererit, quanto propius ad nos pertinent, siquidem a Majoribus hæreditatis instar nobis relictæ (1), virtutem simul eorum & cognitionem opinione majorem ibi contemplari queamus; si documentum sit quod Septentrionis laudes veras (2) confirmet, & nimias excuset; quod historiis & sententiis aculeatis interspersum, characteres, mores, & Ceremonias majorum, jucunda rerum varietate temperet; quod nos in adyta Regum ante sexcentos annos degentium introducat, quod vivendi genera a Rege sceptrucho ad ruricolam usque sparigerum depingat; & ut omnia simul

A

(1) Patriotische Tilsner 3die Margang 216 Blad C. 105 seqq. 111, 113.

(2) Ibid & Esprit des Loix Livr. 14 Chap. 2. Livr. 17. Chap. 5.



simul comprehendam, *quo nihil in tota antiquitate magis momentosum exstat* (3). Si is quem descripsi liber originem præterea debeat ætati omnium rudissimæ (4), omne feret punctum, & talis legenti oborietur insperata lætitia, qualis naufrago unam vel alteram tabulam in littore reperti vel colono hædum lupo eripienti (5). Hic ipse liber est SPECULUM REGALE (6) qui propediem prodibit cura Virorum Eruditissimorum & ab orbe literato magnis dudum & promeritis laudibus ornatorum. Cumque nonnulla historiam hujus libri spectantia mihi obviam facta sint, nihil hac materia dignius mihi visum, quod pro stipendio, quo fruor, tractetur; ita leges simul observo Fundatoris, & *Societati Invisibili* addictum, ac debeo, animum ostendo.

§. 2.

(3) Ita solidissime judicavit immortalis SNEDORF, præpropere defunctus meusque desideratissimus Patronus. *Patriotiske Tilsfuer* l. cit. p. 118.

(4) *Patriotiske Tilsf.* ibid. S. 108. *Leibnitii* Præf. ad *Script. Brunsvicens.* & disertissime *Bosquet* Einleitung in die Geschichte. von *Cramer* 3 Th. S. 211. seqq. Edit. 2. Nec admodum multo post Canonici Lincolnienses se confitebantur idiotas & pusiones, & omnia septentrionis Capitula minimo aliorum clericorum non æquales in scientia, citante *Dalman Hist. Svec.* Tom. 2. cap. 15. §. 17.

(5) *Hor. Epod.* 2.

(6) *Encomia Speculi Regalis* plura sunt, quæ colligere non est hujus loci, nec eorum multitudo hic maximi æstimanda foret, ubi nomina *Torfæi*, *Grammii*, *Rami*, *Snedorsii*, cæterorum elucet. Utinam hic nominare possem *Arngrimum Fona Widalinum*, quod & possum, nam reprehensionem in *Commentario de Islandia* fol. 16. 17. 45. a malæ notæ exemplari seducto factam, postea in *Specimine de Islandia* mutavit,



## §. 2.

*Speculum Regale* est liber scriptus a Ministro quodam Regio primi ordinis in Norvegia (7), velut instructio vitæ nobilium, in usum unici sui filii. Prologus quatuor partes promittit, de quatuor vitæ generibus, *Mercatorum, Aula, Cleri & Ruritorum*, quarum duæ tantum priores supersunt (8), reliquæ si unquam conscriptæ, intercidere. Prima pars continet mores & prudentiam mercatorum, eorumque requisita, Astronomiam rosa nautica nondum inventa necessariam, descriptionem ventorum (9) & tempestatum stylo gentium orientalium more admodum sublimi (10); descriptionem Hiberniæ, Islandiæ & Grönlædiæ

A 2

landiæ

- (7) Minus igitur recte tribuitur Sverreri aut alii Norvegiæ Regi. *Wormii Epist.* Tom. I. p. 199. *Torfaei Grönlæd Antiqu.* p. 31. *Arngrimi Specim. Historic. Island.* p. 111. nec fortan rectius Sophis tribuitur in *Commentar. de Island* fol. 17.
- (8) Contrarium statuit Pontoppidan *Norges Natur- lige Historie* 1 Deel. Fortæl. Et postea 2 Deel Fortæl. unicum tantum exscriptum existere arbitratus est, cum tamen Bibliotheca Magnæana plus quam viginti codicum fragmenta exhibeat.
- (9) Conf. Amici & Fautoris æstumatissimi *Erici Tractar. de Peregrinæ Septentr.* p. 33.
- (10) Scio plerosque fore quibus hoc dicendi genus non placebit, utpote Allegoriis, Prosopopoeia & Metaphoris repletum. Sed nec hæ descriptiones admodum prolixæ sunt, nec in toto opere præter tres *serenitatis, tempestatum & sapientiæ* occurrunt. Quid? quod perspicacissimus Dn. Batteux Prosopoeiam *splendidissimum* vocat *eloquentiæ ornamentum*. Et quis quæso ignorat artificia Platonis, Addisonii, pluriam in Allegoriis? De tempe-



landiæ mirabilium, cui præmittitur apologia libri cuiusdam de mirabilibus Indiæ (11), cum iis æque mirabilia Norvegiæ comparando, cursum sc: per xylosoleas (12), vim petrificam paludis Biarkadalensis (13), & noctes diesque

tempestatibus etiam in Speculo Regali ideæ dantur, quas ex communi cum illo naturæ fonte hauserunt Homerus, Virgilius, Ovidius & Milton. Quamvis è contrario non sit dissimulandum, numerum in his descriptionibus, luxuriare & mucronem Senecæ pugnatorium ac coacervationem consonantium sæpius occurrere, interdum tamen per combinationem vocum mitigari.

- (11) Non est quod miremur Antiquos dromedarios aut simile quid pro draconibus venditasse, si recentiores draconem pro puero fuisse. *Dalín Hist. Svec. Tom. 2 Præf.* Interim multa ad artem criticam phenomenorum naturæ ex more suo elegantissima adfert *Grammius Act. Soc. Reg. Scient. Havn. Tom. 3. p. 376 sq. 381.* Sed ut ad dracones redeam, *Ctesias* Medicus Artaxerxis Mnemonis, de illis ex autopsia refert, quem *Nonnosus, Ælianus, Plinius, Solinus*, cæteri, bona fide exscripserunt. *Photii Biblioth. No. 3. 72. Fabricii Biblioth. Græcæ Libr. 2. c. 25. §. 16.* Quos *Ctesias* *Gryphes* appellat, *Agararibidi* sunt serpentes, *Festivo struthiones*, Recentioribus *dracones*.
- (12) ita vocem *Esife* *Celeb. Torfæus* latine reddit, alias autem illi venit: *soleæ lignæ, trabs panda, vehiculum trabium, trabale pedum vehiculum, subiecta plantis tabula, afferes pandi, curvæ soleæ, trabes lignæ soleis subditæ* pp. Tanta se offert difficultas etiam in notissimis vocabulis latine reddendis. Cæterum conf. *Pontoppid. Norg. Nat. Hist. Tom. 1. p. 47. Tom. 2. p. 438.*
- (13) in dubium vocat *Pontoppidan* l. cit. Tom. 1. p. 142 ubi hunc librum minus recte *Speculum morale* appellat.



que plures simul continuas (14). Hiberniæ descriptio maximam partem fabulosa est, de felicitate cæli & soli (15), de terræ sanctitate tam quod ad immunitatem ab animalibus venenosis (16), quam multitudinem Sanctorum indigenarum (17), de lacu vi petrifica gaudente (18), de

A 3

fonti-

appellat. Incomparabilis autem *Ström* plane negat in *Sandmors Beskrivelse* Tom. 2. p. 365. Uterque amyanthum substituunt.

(14) conf. *Adam. Bremens. de Situ Dan.* cap. 105 al. 246. *Corneri Chron.* in *Eccardi Hist. med. ævi* p. 472 Quam parum cognovere perspicacissimos Norvegos?

(15) conf. *Solinum, Bedam* & omnes fere hujus exscriptores Historicos antiquos Angliæ.

(16) Vix datur terra ubi de quoquam territorio tale paradoxon non narretur. De Hibernia omnes scriptores veteres consentiunt vid. not. præced.

(17) Ignorantia & ejus fætus Superstitio numerum Sanctorum admodum augent, in terra præsertim, cujus mores Hiberniæ instar a *Camdeno* in *Britannia* passim describuntur, ad hunc etiam numerum diminuendum *Launojus* vix requireretur alter.

(18) Hoc naturæ phænomenon haud ita pridem scrutatorem nactum est Dn. *Jac. Simonem* in *Philosophical Transaction's* No. 38. Art. 8. 1746 sq. conf. *Giraldi Silvestr. Topograph. Hibern.* p. 718. in *Collect. Script. Anglic. Camdeni, Rannulphi Higbdeni Polychronic.* p. 184. in *Collect. Script. Britann. Th. Gale's. Author Chronici Bromtono* attributi in *Collect. Script. Veter. Angl. Seldeni* f. *Twysden* col. 1078 qui etiam alium locum petrificum annotat.



fontibus albo & nigro colore tingentibus (19), de insula  
 fanante periodica, de insula in qua nemo putrescit (20), de  
 insula viventium (21), de Purgatorio S. Patricii (22), de  
 homine sylvestri jubato (23), de coemeteria quod fœminæ  
 non

(19) Priorem in Momonia, posteriorem in Ultonia statuit  
*Silvest. Girald.* loc. cit. Libr. 2. cap. 7. Ejus-  
 que fidei exscriptores, *Higbdenus* loc. cit. p. 183. &  
*Bromton* col. 1077. Fœminarum & virorum senes-  
 centium ad fontem nigrescentem frequentiam jocose  
 satis notat *Giraldus*. Qui de fontibus mirabilibus  
 Hiberniæ primus scripsit, sine dubio fuit *S. Ruada-  
 nus*, mortuus Ao. 584. nisi liber ejus intercidisset,  
 harum fabularum originem forte habuissemus.

(20) Hæc a scriptoribus domesticis appellatur *Arren* sive  
 insula S. Brendani. vid. *Girald.* l. cit. cap. 6.  
*Broms.* l. c. *Higbden Polychron* loc. cit. p. 183.  
 Hic tamen aliam insulam S. Brendani in Ultonia præ-  
 terea agnoscit p. 179.

(21) *Girald.* p. 716. *Broms.* c. 1076. *Higbden*,  
 p. 179 ll. citt.

(22) conf. omnes antea allegatos Scriptores maxime autem  
*Camdeni Britann.* p. 771. ubi cryptam incolis *Ellan  
 u frugatory* ab Ulyssæ effossam ait. Idem quoque com-  
 memorat Purgatorium S. Brendani ab hoc diversum.  
*Plutarchus* etiam ex relatione cujusdam Demetrii  
 Insulas tales agnoscit, hinc superstitio posterior, pri-  
 orem, non raro admodum exemplo, excepsisse & inter-  
 polasse videtur.

(23) An mulier jubata *Giraldi*? Dicitur hæc inventa  
 Sæculo ineunte duodecimo, tempus igitur non repug-  
 nat. conf. *Girald.* *Topograph. Hiberniæ* p. 724 &  
*Ejusd.* de *Expugnat. Hibern.* Prolog. prior. p. 755 &  
 Libr. 2. cap. 11. p. 766. in Collect. *Camdeni*.

non intrant (24), de pomis S. Kewini (25), de arce Themere funditus inversa (26), de hominibus in lupos transformatis (27) & barritui militari non respondentibus (28), & de anchoza ex aëre delapsa, cui demum additur historia ridicula de Klepsane ridiculo. Hæc ideo prolixius recensui, ut Authorem fictionis spontaneæ macula liberarem, recensendo Authores similis referentes, nec tamen hujus, quantum videre datur, fontes. Ipse noster relationes fide

A 4

dignas

(24) *Giraldi Topograph. Hibernæ*: Libr. 2. cap. 4. *Higbdeni Polychron.* p. 179. *Bromton.* Chron. col. 1076. Molendinum similis indolis memoratur *Giraldo* l. c. cap. 52. Videat igitur *Simon Dunelmensis*, quo jure solius S. Chydberti ecclesiis hunc in sexum sequiorem rigorem attribuat. *De ortu Lindesfarnensis Ecclesiæ* Libr. 2. cap. 7.

(25) *Girald.* l. c. p. 726. *Higbden.* p. 183. *Bromton.* l. cit. col. 1077.

(26) Prolixe rem narrat *Fordun Histor. Scottorum* Libr. 1. cap. 27. p. 580. Collect. Thom. Gale's. *Legenda S. Congalli* rem ad tempora Regis Judæorum Manassæ refert.

(27) Vulgare est veterum commentum in quaque fere terra; Originem forte debet ludis personatis circa natalitia Christi ab innumeris temporibus celebratis, contra quos seculo quarto *Pacianus Barcelonensis* Cervum scripsit, qui jam intercidit teste *Fabricio* in *Biblioth. Latin. mediæ ævi.* h. voc. Luporum Hibernicorum originem nesciebat *Ranulphus Higbdenus Polychron.* p. 184. supplendam ex *Speculo Regali* & ad S. Patricium referendam, quamvis an ille aliquando exstiterit, dubitavit *Henricus Mauricius.* *Act. Erudit.* Lips. Ao. 1692. p. 396.

(28) Ridicula ista traditio viguit adhuc tempore *Camdeni* conf. *Ejusd. Britann.* p. 737.



dignas allegat, & si *Giraldus* fides, nullum scriptum seculo duodecimo exstitit, quod his usibus inserviret, (29) cui verisimilitudinem conciliant recentiores Historici medii ævi Britannorum, qui, quod ad Hiberniam, *Bedæ* & *Giraldi* vestigia fideliter legerunt. Hinc etiam colligi potest, in quantum Antiquitatibus Hibernicis lux speranda sit è Dania (30). Descriptio Islandiæ agit de cetis (31), de loco inferni ibi reperiundo (32), & de quibusdam ad historiam naturalem pertinentibus (33). Mirabilia Grönlantiæ se extendunt ad monstra marina (34), glaciem, generâ

- (29) Nullam prorsus, inquit, ex scriptis Hibernicis evidentiâ, nullum penitus inveni (præter ipsam disquisitionis diligentiam) extrinseci juvaminis adminiculum. vid. *Topograph. Hibern.* p. 693. coll. p. 698.
- (30) Quam speravit Jesuita *Æganius Worm.* *Epist.* Tom. 2. p. 993. coll. p. 1007. Nec absurdum hinc sperasse, si Hibernia octies Danis subiecta fuisset; ut vult *Coldingius Nov. Descript. Dan.* De Norvegia vid. infra not. 54. De raritate antiquitatum Hibernicarum conf. *Philalethi Tronhiemstæ Samlinger* 3 Deel p. 315.
- (31) vid. *Torfæi Grönländ. Antiq.* Hanc quoque materiam exorsus est amicissimus, S. R. M. Judex Territorii Thingöensis *Wigfusius Fönæus* De piscatura occasione *Speculi Regalis.* Havniæ 1762.
- (32) Huic sententiæ a multis postea repetitæ occasionem dedit *Gregorii Magni Dialog.* Lib. 4. cap. 35. col. 333. Edit. Paris. 1640. fol. Quanta Gregorio fides, optime judicarunt *Du-Pin & Oudin* de *Script. Eccl.* T. 1. col. 1500.
- (33) Allegatis in *Olavii Enarrat. historica de Islandiæ natura & constit.* p. 110sq. 115. 122.
- (34) Credulitatem nostri excusat recentiorum assensus, *Torfæi Hist. Norveg.* Part. 4. p. 415. *Wormii Epist.* Tom. 2. p. 842. *Pontoppidan Norges Naturlige Histor.* passim.





nera phocarum, commercia & victum gentis, quæstionem an Grönlandia sit terra continens, ejusque historiam naturalem, constitutionem aëris, clima, lumen boreale (35), Zonas mundi, reliqua.

### §. 3.

Pars Speculi Regalis secunda iterum bipartita est, agens de *Aulicis* & *Rege* ipso. Utraque pars moralis & practica est, quarum illa agit, de causa defectuum regiminis & Aulæ (36), de discrimine dignitatum & officiorum in Aula, de motivis & via ad illa capescenda (37), de Aulicis purpuratis eorumque moribus, de salutatione Regis quotidiana, cum ceremoniis tam intra quam extra palatium, de armis palæstricis & bellicis, iisque tam equitum, quam peditum, tam in acie, quam in munimentis defendendis &

A 5

oppug-

(35) Omnium instar conf. *Rami Afhandling om Nordlyset, Kjøbenhavnste Selsk. Skr. 1 Deel p. 375.* & Patroni mei admodum colendi *Jessen-Schardeböll Kongeriget Norge 1 Deel p. 375 - 469.*

(36) Stultitia sc. & inde progignendis vitiis, tandemque anarchia. Hæc occurrunt imprimis pulchra comparatio inter mores corruptos cujusvis regni & annonæ caritatem, causæ interitus regnorum ex eorundem divisione tunc usitata ac vitiis serpentibus, deducendæ. Mirum sane Virum Norvegum scripsisse contra sui Seculi principis, tam libere tamque solide, ut ejus ætatis Montesquieu aut major forte fuerit. Sed historiæ Norvegicæ antiquæ ignaro tantummodo mirandum.

(37) Hic tractatus de verbis coram Rege, imo de vestitu quoque, ejus colore & barba prolixè præcipit.



oppugnandis, tam terra quam mari; Finem imponit huic institutioni præcepta suo in genere præfusa egregia, de scientia politiore, virtute & decore (38). Hujus partis sectio posterior agit de Rege ipso, & quidem de Ejus præ cæteris præminencia & potestate absoluta; *officiis* Ejus *matutinis*, cura scilicet & meditatione de temperanda justitia cum clementia (39), ac precibus publice celebrandis; *officiis diurnis* scilicet de jure subditis dicenda (40), sapientia addiscenda & jugiter perpensanda (41). Adferuntur postea motiva clementiæ & justitiæ conciliandarum, judici probe observanda, nec non casus quidam, ubi homicidium non solum excusabile, sed & bonum opus censetur.

(38) Hic etiam occurrunt hominum novorum & ad altiorem dignitatis gradum evectorum officia, quæ illustrantur exemplis Josephi Patriarchæ, Estheris, Vastis, Amanis, Mardochæi, Constantini Magni, Helenæ Augustæ, Crætonis & Zenophili.

(39) Hæc prolixè illustrantur multis S. Scripturæ exemplis, quæ omnia vindicantur ab objectionibus, & in quovis adferuntur circumstantiæ, quæ Veritatis, Pacis, Justitiæ & Clementiæ vinculum indissolutum indicant. Prosopopœia imprimis de lapsu Adami & Diaboli occurrit, quæ Miltonis artificia quandoque exprimit. Et quid si etiam Dn. *Voltaire*, lapsum Adami ejusque statum irridens, hic plus quam carminis vicani materiam invenerit? Probat etiam noster in historia sacra consequentias sive fictiones poeticas esse licitas, quas velut ramos arboris quaquaversus divergentes laudat.

(40) Exemplis tam ex Scriptura S. quam Historia, fabulosa quamvis, petitis hæc illustrat.

(41) Ubi descriptio Sapientiæ & exempla injustitiæ punitiæ occurrunt. conf. not. 10.



consensendum est (42). Et denique disquiri, an juramenta & pacta illicita, itemque jus asyli Templorum semper sint servanda (43), quod occasionem Authori præbet limites determinandi inter brachia sic dicta seculare & spirituale, simulque ad partem tertiam de Clero, transeundi.

#### §. 4.

Non est quod multa de titulo *Speculi Regalis* adferam, indicare tamen videtur, Authorem sui Seculi scripta legisse, non minus quam *Gregorii Magni & Isidori Hispalensis* quos expresse allegat, nam præter *Speculum Locorum biblicorum Theodulphi* (qui initio Seculi noni vixit) S. Augustino falso adjudicatum, quod primum mihi sub hoc titulo occurrit, Seculo deinde duodecimo & duobus proxime sequentibus, titulus iste in tantam consuetudinem abiit, ut plus quam septuaginta libri illo, tanquam huic ætati proprio, insignirentur. Nec Speculum appellasse satis erat, nisi libri etiam *Specula Speculationum* (44), Scriptores quoque & Viri singularis exempli *Speculatores* appellarentur (45). Nec multo pauciores

---

(42) Probatur tota fere vita & charactere Morali Regum Saulis, Davidis, Salomonis & Herodis.

(43) Quod præjudicia seculi & religionis Authoris excedit.

(44) *Alexandri Neckham* qui vixit Anno 1215. *Fabricii Biblioth.* Latin. med. ævi hac voce.

(45) Quid *Speculum* præter communem significatum apud Scriptores medii ævi denotet, diserte docet *Norger. Balbulus de Illustribus Viris* ita: "Gregorii Papæ Regula pastoralis omnium sapientium judicio melius & verius Speculum dici potuisset — ut affectus quasi



pauciores de *institutione regia* his temporibus scripsere; ut alios taceam, ante *Typographiam* inventam viginti circiter *Scriptores* libros suos rubrica notarunt de *Regimine Principum*, sed etiam nec defuere qui *Specula Regum* scripsere. *Alvarus Pelagius* "Ordinis Minorum gloria" *Oudino* appellatus, *Speculum Regum* scripsit *Nicolao Antonio* memoratum (46). Huc etiam pertinent *Britonis Armemorici Speculum boni Principis* (47), *Godfridi Viterbiensis Speculum Regum* (48), *Philippini de Pergamo Speculum Regiminis* (49), *Roberti Gervasi Speculum morale Regum* (50),

Summa

"quasi viventes & ambulantes ostenderit." Similiter noster: sva sam maigar liknælkior æðhrallkynnz smidharr sam i skyrri skuggflo, 3: velut in speculo pellucido, tanquam multas stellas sive quæcunque affabre expressa. Non est quod hic de notissimis de Repkow & Durando, Speculatoribus appellatis, prolixè agam, nec huc pertinebit Speculator pro Carnifice apud du Fresne in Glossario memoratus, adferam tantum *Matthæum Windociensem* in sua *Tobiade* de Bartholino Turo-nensi dicentem: ———— *Ovium Speculator*  
Ut Speculum ————

- (46) In *Biblioth. veter. Hispanica* Tom. 2. p. 100. mortuus est 1353. conf. *Oudinum de Scriptoribus Eccles.* Tom. 3. col. 899. Notabile est, Alvarum iisdem ac nostrum verbis incipere.
- (47) Vixit ineunte Seculo 13 teste *Fabricio Bibliothecæ. Latin. mediæ ætatis* hac voce.
- (48) Opus genealogicum. Ille obiit 1152.
- (49) Refertur ad Annum 1380 prolixus hicce in *Catonis Ethicæ* Commentator.
- (50) Obiit 1396 teste *Fabricio* loc. cit. hac voce.

Rununga oc Hofdinga Styrilse (51), & tandem *Humajun Nameh* sive *Speculum Principum*, liber ante bis mille annos scriptus, & in omnes fere lingvas sub diversis titulis translatus (52) fabulas Æsopicas continens. Hi ex antiquis sunt, qui eodem ac noster titulo sua scripta insigniverunt, quorum quotquot mihi cognovisse datum, illo inferiores censendi sunt, nequaquam autem illi materiam exscribendam suppeditarunt; utpote maximam partem diversum scopum intendentes.

### §. 5.

Quenam igitur est ætas Speculi Regalis? Certum est illud scriptum esse post Annum 1140 nam Emanuelis Imperatoris Græcorum ibi fit mentio, nec me sciente quisquam ad antiquiora tempora illud rettulit. Si historiam Norvegicam cœvam consulamus, tunc circa hoc tempus peregrinationes Procerum ad terras orientales frequentis-

(51) Nescio quo jure hic Thomæ Aquinatis s. rectius Ægidii de Columna affecta idem cum Thackillo de Lana ad Sec. 13. a *Dalino Histor. Svec.* Tom 2. cap. 3. §. 29. referatur. Nec recte hæc sententia a me attributa est Editoribus in *Curis Posterior. Continuat. ad Jus Eccl. Vicenf.* p. 9. not. u, de Ægidio Romano intelligenda.

(52) De hoc prolixè agit *Fabricius Bibliorb. Græc.* Tom. 6. p. 460. cui adde versionem Danicam sub titulo: *De gamle Bissis Exempler oc Høfprock ic. Riibenhavn prentet hos E. H. Neuhof 1618.* de voce *Speculum* conf. hujus versionis Præfat.



quentissime usu venerunt (53). Hinc epocham Speculi Regalis non longe distitam autumaverim, cum præsertim Hibernica (54), arma (55), toga (56), silentium de Archiepi-

- (53) Libri de mirabilibus Indiæ, Emanueli Imperatori dicati, & jam pridem ad Norvegos delati, meminit Speculum Regale. Sub hoc Imperatore stipendia meruere præter multos alios Ericus frater Regis Sverreris, vid. *Ronunga Sögur in vita Sverreris* cap. 499. & Eindridius Ungi, de quo ita *Torfaeus Histor. Norveg.* Tom. 3. Ad Annum 1149. "Eadem ætate Constantinopoli rediit vir juvenis, nobilitate & experientia celeberrimus, Eindridius Ungi sive *Juvenis*, qui Græcorum Imperatori Emanueli sive Manueli Commeno longo tempore stipendiis meruit. Hunc multa de Imperatoris magnificentia, splendore, militum numero, ordinibus & apparatu, imperii magnitudine, diffusissimarum regionum præfectis, legibus & populorum moribus, ærarii inexhausto thesauro, ejusque immensis redditibus, terrarum indole, proventibus & id genus aliis narrantem, Rex Proceresque libenter audiebant." Isque effecit ut gloriosa Norvegorum expeditio subsequeretur, cui Comites Røgvalldus & Erlingius Skakki interfuerunt. Tales erant Norvegorum peregrinationes! Eindridius ille Anno 1162. cum caderet Rex Hacon Humerosus, primarius ejus Minister fuit, biennio post a factione Erlingiana occisus. *Torfaei Histor. Norvegic.* ibid. pag. 563. præterea conf. *Erici de Peregrinat. Septentrional.* p. 80.

- (54) Seculo duodecimo Norvegia quam maximum cum Hibernia nexum habuit. Tum hæc a Rege Magno Nudipede armis tentata, speciem juris Ejus filio Sigardo Hierosolymipetæ præbuit, tributum per Legatum imperandi. *Torfaei Histor. Norveg.* Tom. 3. p. 461. Paulo post Haraldus Gilli-Christus in Hibernia natus & edu-



chiepifopo (57) & coronatione (58), recepta de Geographia

---

& educatus, ad fceptrum & thronum Norvegiæ pervenit ibid. p. 481. Seculo fequenti imminutum fuiſſe hoc commercium concludo, tam ex *Cbrónico Manniæ* a Canidenò edito, quam ex diminutione fidei Sanctitati Hibernicæ antehac a Norvegis habitæ. *Torſæi Hiſtor. Norveg.* Tom. 4. p. 120. ubi dicit ad Annum 1213: *S. Columbi Inſula in hunc uſque diem ab injuriis omnibus Norvegorum intacta, religioneque ſacra habita, ſpoliatur.*

- (55) Quanta Norvegis armorum cura hac ætate fuerit, documento eſt, victoribus ceſſiſſe trecentas ſexaginta loricas annulares, totidemque æreas militares, in prælio ubi non ultra nonaginta hominum cecidere. *Torſæi Hiſtor. Norveg.* Tom. 4. p. 100. Deſcribuntur quoque Norvegi tanquam *viri bellicoſi*, Danico more undique ferro veſtiti, alii loriceis longis, alii laminis ferreis arte conjutis, clypeis quoque rotundis & rubris circulariter ferro munitis. a *Silveſt. Giraldo de Expugnatione Hibern.* Libr. 1. cap. 21. p. 772. in *Collect. Script. Anglic.* Camdeni, conf. etiam *Dalín Hiſtor. Sveciæ.* Tom. 1. cap. 6-8.
- (56) Ritus togam coram Principibus deponendi memoratur in vita Sigurdi Hieroſolymipetæ apud *Torſæum Hiſtor. Norveg.* Tom. 3. p. 467. in vita Sverreris ibid. Tom. 4. p. 35 & 44. & in vita Haconis Grandævi ibid. p. 200. tanquam antiquitus uſitatus.
- (57) Archiepiſcopus primus Norvegiæ ſedit ab Anno 1152 & ejus ſucceſſor magnam habuit Authoritatem decennio poſt vid. infra not. 60. & *Schiønning Forſog til Forbedring ic. om Eſteia.*
- (58) Quanti momenti habita fuerit coronatio Regum Norvegiæ, ipſe referat Rex Hacon Grandævus de coronatione



graphia (59) & quod maximi est momenti, de limitibus potestatis Regiæ & Archiepiscopalis sententia (60), ut & de

tione filii sui Regis Magni apud *Torfaum* Hist. Norveg. Tom. 4. Libr. 4. cap. 45. ita: *illuxit jam ille dies, qui mihi exoptatissimus accidit, cum carnem & sanguinem meum, tanto in honoris fastigio conspiciam*; cum tamen duos filios antea Reges viderat. Quæ Erlingus Skakki de coronatione Filii sui Regis Magni egit, notiora sunt quam quæ repetantur. vid. Schiønning *Forsøg til Forbedring* K. p. 421. sqq. *Torfaui* Hist. Norveg. Tom. 3. p. 566. de coronatione Sverreris. ibid. Part. 4. p. 21. Haconis Grandævi. ibid. p. 247. conf. etiam *Guiljelm. Neubrigens. Rerum Anglicar.* Libr. 3. cap. 6. p. 420. in Collectione Comelini.

(59) Tempore Sigurdi Regis Hierosolymipetæ *Voga & Andarnes* ad ultimum Septentrionem notum referebantur. conf. contentio decantata inter Regis fratres apud *Torfaum* l. c. Tom. 3. p. 472 *Adam. Bremens. de situ Danie* Cap. 104. *Corneri Chronic.* in *Eccardi Historic. med. ævii* p. 471. *Danste Magazin* 51 Hefte p. 96.

(60) Aut ego fallor, aut absoluta in Clerum potestas, qualis in Speculo Regali statuitur, nulli post Sverrerem Regem competit, imò nec certis Regibus ejus Antecessoribus. De subjectione Magni Erlingii, qui se plus una vice Vasallum S. Olai Nidrosiensis profitebatur, sive revera Archiepiscopi possessioni hereditariæ se assignans, sub ejus Dominio, tanquam suus vicarius & regnum ab eo tenens. Schiønning *Forsøg* in vita Augustini p. 429. Tempore Sverreris in Articulum fidei evecta erat extensio jurium Cleri, quod cum Rex non approbaret, heterodoxiæ, tyrannidis, aut si quid pejus, notam incurrit. *Guiljelm. Neubrigens.* loc. c. *Torfaui* Hist. Norveg. Tom. 4. p. 13. Schiønning loc. cit. p. 448. Hacon Grandævus, Rex alias sui juris vindex accerri-



de vi excommunicationis (61), nec non status litterarum & eruditionis in septentrione florentissimus (62), ac status regni civilis (63) huic sententiæ favere videantur. Nec seculo decimo tertio recentior erit noster, nisi interpolatio assumatur (64), si consideretur illum quævis officia aulicæ

B

recen-

acerrimus publice professus est, *se agnoscere Archiepiscopum, a Deo hominibusque constitutum esse ad judicia inter homines edicenda*. Et revera Hacon jamdudum Rex, sententia Archiepiscopi stetit, regnum vel retenturus vel amissurus Anno 1223. *Torſæi Hiſtor. Norvegic. Tom 4. p. 159* sive 157 & 162. Nequid præterea dicam de Pacificatione inter Regem Magnum Lagabæter & Jonam Archiepiscopum de Anno 1273. Bergis in Festo S. Petri ad vincula, utpote notissima.

(61) Excommunicatio inde a temporibus Sverreris etiam castella munitissima superavit. *Torſæi Hiſtor. Norvegic. Part. 4. p. 21. 44.* cum tamen noster fulmen quandoque brutum esse agnoscat.

(62) Seculo duodecimo & sequenti litteras aliunde relegate exceperat septentrio vid. supra not 4. & *Grammii de origine & statu Rei litteraria in Dania.* in *Dänische Biblioth. 7<sup>te</sup> Stück* p. 445. 458. 468: & Sverreris laudes ibid; p. 472. *Erichsen Tale paa Sørøe Aca-*  
*dem. Stiftels. Dag 1762. p. 38. Ejusd. de Peregrinatione*  
*septentrional. p. 86.*

(63) Conf. not. 60. 66. 67. quæ omnia seculo duodecimo apprime conveniunt.

(64) Et hoc necessarium, si in illo *vestigia seniorum temporum aliquando eluceant* teste magno *Grammio* loc. cit. p. 500. Consentiente nec minoris Nominis & meritorum Viro, meoque Patrono æternum colendo *LUXDORPHIO.* citante *Pontoppidan Norges Naturlig*  
*Hiſtor. Tom. 2. Præf. & p. 302.*



recentere promissis (65), moderamen vindictæ instar obligationis imperfectæ laudare (66), divisionem imperii & diversas de jure successionis sententias tanquam sui temporis mala increpare (67), & quod ad characterem moralem & ceremonias per plures, antiquius tempus aperte monstrare (68); quæ ætatem ejus a medio Seculi duodecimi ad medium Seculi sequentis referendam evincunt, & quidem probabiliter ad hujus temporis partem priorem, & si audacius conjectem, ad proximum ante annum 1164 decennium referendum putarem. (69).

§. 6.

(65) Probat hoc totum fere *jus Aulicum Hirdsfræa* & plurima vitæ Haconis Grandævi loca apud *Torfaum Histor. Norveg. Part. 4.*

(66) Cum tamen Rex Hacon Grandævus vindictam hanc in propinquos homicidæ, lege prohibuerit, & filius ejus Rex Magnus Anno 1269. etiam multam pecuniariam abrogaverit. *Torfaus* loc. cit. p. 302. 348.

(67) Hic etiam abusus tempore Haconis Grandævi Anno 1223. publice damnatus, & lex ipsa quæ illum abrogavit *Juri Aulico* 1277 lato inserta invenitur.

(68) Conf. *Jus Aulicum Hirdsfræa* quavis fere pagina. Ut unicuique tantum adferam exemplum, *Speculum Regale* aulicæ cujusdem dignitatis candidato consulit Regem prandentem adire, quod *Jus Aulicum* expressis verbis prohibet.

(69) Conf. not. 53. 57. 58. 60 61. quæ bene perpensatæ hoc probabile reddent, in historia prælii navalis inter Berulopedes & Baglos Anno 1180 & coronationis Magni Erlingii Anno 1164 occurrunt quædam mea ex sententia *Speculo Regali* recentiora. Non est quod adferam exemplaria quædam Bibliothecæ Magnætænæ quæ Episcopatum in Grönlandia pridem institutum commemorant, cum optima de hoc taceant,



## §. 6.

An vero Authorem Speculi Regalis quæram, & primus dum nec ætas certa fuit conjecturis scruter? Scio quantilli pretii tales sint conjecturæ (70), quantæque difficultatis in ætate remota, & ubi Author ipse se occultare voluit (71). Forſan & quædam inferuit, quæ hanc difficultatem augerent; allatus tamen a me locus (72) de Eindridio Unga probabile reddet illum Authorem

- (70) Vid. ſupra not. 64. Incerti de illa fuere Viri magni *Arngrimus Fona* in *Specimine Hiſtor. de Islandia* p. 111. & in *Commentar. de Island.* fol. 16. *Ramus* in *Aſhandling om Nordlyſet. Kiſbenhavnſte Seſt. Skrift.* 1 Deel p. 372. *Petrus Claudii Undalinus* in *Deſcriptione Norveg.* p. 171. *Torſæus* in *Grönlandia antiqua* pag. 31. quid quod incomparabilis hiece Vir quæ phyſica inde exſcripſit, fide Undalini feciſſe videtur, & ipſum librum *Speculum Regale Islandicum* minus accurate appellat. *Petrus etiam Claudii Undalinus* qui juxta *Arngrimum* primus *Speculum Regale* notum fecit, illud appellat *Chronicon Norvegicum* loc. cit. quod *Peyrerius* præeunte ſuo interprete *Retzio* ſecutus in *Voyages au Nord* Tom. I. p. 126. huncque iterum *Mairau* in *Traité phyſique & hiſtorique de l'aurore boreale* p. 85. ubi hiece liber rumoris indies mutandi inſtar illi devenit *une chronique Islandoiſe*. His adde *Buſſæum* in *Bangſ Samlinger af nyttige og opbyggelige Materier* 3 St. p. 531.

- (71) Hinc etiam ſpecialia Authorem ejuſve coartaneos ſpectantia hic non ſunt quærenda. Nec alio reſpectu notior fuiſt noſter; nam per ſex ſecula nec typis excuſus, nec in notiores linguas translatus fuit, quamvis contrarium appareat ex *Wormii Epistol.* Tom. I. p. 199.

- (72) vid. ſupra not. 53.



horem fuisse, si in Halogia habitasset, (73) aut filium habuisset unicum. Utrumque quamvis taceat historia, possibile. Halogiæ sane familiarum nulla posteris Thoreri Hundi celebrior fuit (74). Ex hac Vidkunnus Jonæ filius, subditorum suo tempore summus, in Hibernia famam virtute comparavit, & circa hoc tempus obiisse videtur. Habitavit ille in prædio avito Biarkey, & illius posteriusque ad conjunctionem regnorum septentrionalium existere (75), ejusque nepos Vidkunnus Erlingi filius, juvenis octodecennis satrapa Halogiæ factus, levir & sororius Regis esse meruit, nisi 1184 a Betulopedibus occisus fuisset (76). Concedo equidem de Patre ejus nihil in litteras relatum me vidisse, sed hæc communis fere fors est, aut modestiæ, aut factorum vere magnorum splendore tamen externo destitutorum, quamvis tanti filii educatio sapientem educatorem loqui mihi videatur. Sed conjecturarum satis cateroquin multarum numerum auxisse non expedit.

(73) Nec hoc necessarium erit, cum exemplo non careat veteres Norvegos aulam secutos in provinciis prædia habuisse. *Torfæi Histor. Norveg. Tom. 3. p. 580. Fessen-Schardeholl Kongetiget Norge 1 Deel p. 426. sq.*

(74) Conf. *Torfæi Histor. Norvegic. Tom. 3. p. 229. 421.* Ejus filius Sigurdus in prædio Auðd habitavit.

(75) Mentio fit Erlingi Vidkunni filii Militis & Vicarii Regni Norvegiæ in *Constitutione Regis Magni de Per-vigil. Kntuti Anno 1331. & in Homagio Haconi septimo præstato Varbergæ A. 1343. in Litteris quoque salvi conductus Regis Magni de Bergis 1325.* quarum originale transcriptum est penes harum rerum æstimatorem eruditissimum meique amicissimum Dn. *Trescow.* Ad autem hic Erlingus cum ejusdem nominis Cancellario Regni Norvegici Anno 1355. defuncto, idem sit, discerniendum. conf. *Torfæi Histor. Norveg. Tom. 4. p. 483.*

(76) *Torfæi Histor. Norvegic. Tom. 3. p. 625.*

